

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ 2002 ԹՎԱԿԱՆԻ ՄԱՐՏԻ 2-Ի ԹԻՎ
193 ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ
ՆԱԽԱԳԻԾ**

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

«___» «_____» 2022 թվականի N -Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2002 ԹՎԱԿԱՆԻ ՄԱՐՏԻ
2-Ի ԹԻՎ 193 ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ
ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածների դրույթները՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2002 թվականի մարտի 2-ի «Նոտարական գործողություններին մասնակցող թարգմանչին որակավորման վկայական տալու կարգը հաստատելու մասին» թիվ 193 որոշմամբ հաստատված կարգի (այսուհետ՝ Կարգ) 1-ին կետում «այսուհետև՝ վկայական» բառերը փոխարինել «այսուհետ՝ նաև վկայական» բառերով, «նախարարության» բառից հետո «այսուհետև» բառը փոխարինել «այսուհետ» բառով, «այսուհետև՝ ստուգում» բառերը փոխարինել «այսուհետ՝ նաև ստուգում» բառերով.

2. Կարգի 4-րդ կետում «այսուհետև՝ նախարար» բառերը փոխարինել «այսուհետ՝ նաև նախարար» բառերով.

3. Կարգի 19-րդ կետում «այսուհետ՝ տեղեկանք» բառերը փոխարինել «այսուհետ՝ նաև տեղեկանք» բառերով.

4. Կարգի 19-րդ կետը լրացնել 1-ին և 2-րդ ենթակետերով՝ հետևյալ բովանդակությամբ.

«1) Տեղեկանքի կորստի, այդ թվում՝ կորցնելու, ոչնչանալու կամ օգտագործման համար ոչ պիտանի դառնալու դեպքում անձը դրա մասին դիմում է ներկայացնում նախարարություն: Դիմումի հետ մեկտեղ ներկայացվում է անձը հաստատող փաստաթղթի պատճենը և մեկ գունավոր լուսանկար՝ 4 x 6 չափսի: Նախարարությունը, հավաստիանալով, որ որակավորման ստուգմանը մասնակցելու արդյունքում դիմողին նախկինում տրվել է տեղեկանք, կորած

տեղեկանքի կրկնօրինակը դիմողին տալիս է դիմումը ներկայացնելու օրվան հաջորդող 3 օրվա ընթացքում:

2) Տեղեկանքի կրկնօրինակի վերին աջ անկյունում կատարվում է «Կրկնօրինակ» նշագրումը:».

5. Կարգի 19.1-րդ կետում «Տեղեկանքի» բառից հետո լրացնել «և տեղեկանքի կրկնօրինակի» բառերը.

6. Կարգի 24-րդ կետը շարադրել հետևյալ խմբագրությամբ.

«24. Վկայականը տրվում է մեկ օրինակով: Դրա կորստի, այդ թվում՝ կորցնելու, ոչնչանալու կամ օգտագործման համար ոչ պիտանի դառնալու դեպքում անձը դրա մասին դիմում է ներկայացնում նոտարին: Նոտարը, հավաստիանալով, որ տեղեկանքի հիման վրա թարգմանչին նախկինում տրվել է որակավորման վկայական, կորած վկայականի կրկնօրինակը դիմողին տալիս է դիմումը ներկայացնելու օրվան հաջորդող 3 օրվա ընթացքում:».

7. Կարգի 25-րդ կետն ուժը կորցրած ճանաչել.

8. Սույն որոշումն ուժի մեջ է մտնում պաշտոնական հրապարակմանը հաջորդող օրվանից: